



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-7-913-6/25– ME/ES

Tuzla, 30.06.2025. godine

Na osnovu člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i preporuke Komisije za javne nabavke iz Zapisnika o pregledu i ocjeni ponuda broj: 03-11-7-913-4/25 – ME/ES od 30.06.2025. godine, donosi se

O D L U K A
o izboru najpovoljnijeg ponuđača
u postupku javne nabavke robe – računara i računarske opreme
za potrebe informatizacije na području TK

Član 1.

Prihvata se preporuka Komisije za javne nabavke Zavoda zdravstvenog osiguranja Tuzlanskog kantona, te se kao najpovoljniji ponuđač u postupku javne nabavke robe – računara i računarske opreme za potrebe informatizacije na području TK bira ponuđač BBS d.o.o. Sarajevo sa cijenom u iznosu od 491.440,00 KM bez PDV-a odnosno 574.984,80 KM sa PDV-om.

Član 2.

Ova Odluka dostavlja se svim ponuđačima koji su učestvovali u predmetnom postupku javne nabavke, a u skladu sa članom 70. stav (2) Zakona o javnim nabavkama.

Član 3.

U skladu sa članom 70. stav (6) Zakona o javnim nabavkama, ova Odluka objavit će se na internet stranici Ugovornog organa (www.zzotk.ba) istovremeno s upućivanjem ponuđačima koji su učestvovali u postupku javne nabavke.

Član 4.

Odluka stupa na snagu danom donošenja.

OBRAZLOŽENJE

Postupak javne nabavke robe – računara i računarske opreme za potrebe informatizacije na području TK, pokrenut je Odlukom o pokretanju postupka javne nabavke, broj: 03-11-7-913-1/25 – ME/ES od 05.05.2025. godine.

Postupak javne nabavke proveden je putem otvorenog postupka, za koji je u informacionom sistemu "e-nabavke", dana 06.05.2025. godine objavljeno Obavještenje o nabavci: 793-1-1-38-3-62/25. Sažetak obavještenja o nabavci objavljen je u "Službenom glasniku BiH" broj: 27/25 od 09.05.2025. godine.

Procijenjena vrijednost predmetne nabavke iznosila je 491.452,99 KM bez uračunatog PDV-a odnosno 575.000,00 KM sa uračunatim PDV-om.

Rok za dostavljanje ponuda bio je 24.06.2025. godine, do 11:00 sati.

Javno otvaranje ponuda održano je dana 24.06.2025. godine, u 11:30 sati.

Ponude su dostavljene od strane ponuđača kako slijedi:

1. BBS d.o.o. Sarajevo, sa cijenom ponude u iznosu od 491.440,00 KM bez PDV-a odnosno 574.984,80 KM sa PDV-om i
2. NEONETX d.o.o. Tuzla, sa cijenom ponude u iznosu od 494.380,00 KM bez PDV-a, odnosno 578.424,60 KM sa uračunatim PDV-om.

Na osnovu Izvještaja o preuzimanju tenderske dokumentacije utvrđeno je da su ponuđači koji su dostavili svoju ponudu u predmetnom postupku preuzeli Tendersku dokumentaciju sa Portala javnih nabavki (e-nabavke).

Ponuda ponuđača BBS d.o.o. Sarajevo ocijenjena je kao prihvatljiva, a ponuda ponuđača NEONETX d.o.o. Tuzla kao neprihvatljiva iz sljedećih razloga:

- Tačkom 5.4.2. pod a) Tenderske dokumentacije propisano je da ponuđači, uz spisak izvršenih ugovora o isporučenim robama koje su predmet nabavke, dostave i potvrdu o urednom izvršenju ugovora. Ponuđač Neonetx d.o.o. Tuzla, uz spisak izvršenih ugovora, nije dostavio potvrdu o urednom izvršenju ugovora ili izjavu ponuđača o uredno izvršenim ugovorima, uz predocjenje dokaza o učinjenim pokušajima da se takve potvrde obezbijede.
- Tačkom 7.3. Tenderske dokumentacije propisano je da se uz ponudu dostavlja i garancija za ozbiljnost ponude. U tački 7.3.1. navedeno je: „Da bi učestvovali u postupku javne nabavke, ponuđači trebaju dostaviti, u originalu, bezuslovnu bankovnu garanciju za ozbiljnost ponude.“ Prilikom pregleda i ocjene ponuda utvrđeno je da je ponuđač Neonetx d.o.o. Tuzla dostavio običnu fotokopiju garancije, umjesto traženog originala.
- Ponuđena cijena ponuđača Neonetx d.o.o. Tuzla veća je od procijenjene vrijednosti predmeta nabavke.

S obzirom da je dostavljena samo jedna prihvatljiva ponuda, e-aukcija koja je bila predviđena nije sprovedena, te se postupak okončava u skladu sa članom 4. stav (2) Pravilnika o uslovima i načinu korištenja e-aukcije ("Službeni glasnik BiH", broj: 80/23).

Nakon pregleda i ocjene ponuda, sačinjen je Zapisnik o pregledu i ocjeni ponuda broj: 03-11-7-913-4/25 – ME/ES od 30 .06.2025. godine, koji sadrži sve elemente i obrazloženja u vezi pregleda i ocjene ponuda dostavljenih u predmetnom postupku javne nabavke, kao i Preporuku Komisije za javne nabavke ovom Ugovornom organu da izabere ponudu ponuđača BBS d.o.o. Sarajevo, sa cijenom ponude u iznosu od 491.440,00 KM bez PDV-a odnosno 574.984,80 KM sa PDV-om.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. U postupku je procijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.



Uzimajući u obzir sve naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od deset (10) dana od dana prijema ove Odluke.

Dostavljeno:

1. Ponuđačima (s dostavnicom)
2. a/a

DIREKTOR

Doc.dr.sc. Denis Husić, dipl. pravnik

